

Te toro ki te papanoho tūmataiti ki te tautiaki, ki te hanga hoki i ngā rawa wai-ua

Ka whakahaere, ka tautiaki hoki mātou i te kōtuinga wai-ua tūmatanui o te rohe.

Te take me whai toronga ki te papanoho tūmataiti

He maha ngā kōreere, ngā oru, ngā karawata me ngā arawai kei te whenua tūmataiti. Nā reira, me whakaeke pea mātou ki tō papanoho:

- ki te kohikohi tīpakonga wai
- ki te āta tiro tiro, ki te tautiaki, ki te whakahou i ngā rawa me ngā arawai o ngā ratonga wai o te wā
- ki te whakatū i ngā tūāhanga wai-ua e hou ana
- ki te whakaoti i ngā mahi totoa.

I mua i tā mātou whakaeke ki tō papanoho

I mua i tā mātou whakaeke ki tō papanoho, ka tukuna ‘He Pānui mō te Toro ki te Papanoho’. Ko tā tēnei he whakamōhio i a koe

- ki te take me toro mātou ki tō papanoho me te momo mahi ka oti pea i a mātou i reira
- ki te wā e whai nei mātou ki te toro ki tō papanoho (te rā me te wā), ki tō mātou roa hoki ki reira
- ki te ara mā reira e toro ai mātou ki tō papanoho, otirā, mā te rori rānei, mā te papanoho rānei i te taha o tōu
- ki ngā pānga ki tō papanoho, tae atu ki ngā hanganga, ki ngā tipu rānei me tango mai.

Ko ‘He Pānui mō te Toro ki te Papanoho’ tētahi pānui e mana ana i raro i te ture, ā, ka āhei, i raro i te ture, te tuku i tō urupare, i tō whakahē rānei i te pānui ōkawa.

Ngā ritenga o te whakaeke

E āhei ana tō tuku i te whakaaetanga herekore, tō whai rānei kia whai ritenga te whakaeke, hei tauira, i ngā wā:

- he mōkai kei tō papanoho
- kua pīrangī koe kia toro mātou i wā kē.

Ko ngā ritenga ka whakaritea e koe kia kua e:

- whakaupaupa i te whakaeke ki kō atu i te 15 rā mahi
- whai here ā-utu ā-momo paremata rānei
- aukati i te mahi a te kaituku ratonga wai i raro i taua pānui

- noho mātāmua ake, e panoni rānei i tētahi whakaaetanga kua mana kē i raro i te ture (ahakoa he hou, ahakoa rānei he mea whakarite kē) i waenga i te rangatira o te papanoho me te kaituku ratonga wai.

Te Urupare ki tētahi Pānui mō te Whakaeke ki te Papanoho

Kei 'He Pānui mō te Toro ki te Papanoho' ngā kōrero e mōhio ai koe ki te ara urupare mai. He waehere QR, he wāhi tau īmēra hoki kei te pānui.

Mehemea me whakaoti mātou i ētahi mahi i tō papanoho e hāngai ana ki ngā mahi āta tiroiro, ki ngā tūāhanga ratonga wā o te wā, ā, ki te kore hoki koe e urupare ki 'He Pānui mō te Toro ki te Papanoho', ka toro mātou ki tō papanoho i te rā me te wā kua tohua.

Mehemea ka hāngai kē ngā mahi ki ngā tūāhanga ratonga wai hou e marohitia ana, ā, ki te kore koe e whakaae (ki te whakahē rānei koe i te mahi), ki te kore rānei koe e urupare ki 'He Pānui mō te Toro ki te Papanoho', me whakahaere e mātou tētahi arotake ā-roto (tētahi whakawākanga rānei) i raro i te ture.

Me mātua urupare i mua i te paunga o te wā kua āta tohua i te pānui.

Mehemea me whai āwhina koe ki te urupare, kawea te pānui ki tō whare pukapuka pātata. Mā tētahi o ō mātou hoamahi koe hei āwhina.

Ngā arotake ā-roto me ngā whakawākanga

Mehemea ka herea mātou ki te whakahaere i tētahi arotake ā-roto, i tētahi whakawākanga rānei, ka oti tēnei i a mātou i mua i te whakaeke ki tō papanoho. He mea whakahaere ngā arotake ā-roto e ngā Kaikōmihana Ratonga Wai motuhake, ā, ka tū ngā whakawākanga ki te aroaro o te [Regulatory and Safety Committee](#).

Mehemea kāore koe e whakaae ki te whakatau o te arotake ā-roto, o te whakawākanga rānei, ka āhei tō tuku tohe ki tētahi Kōti ā-Rohe.

He aha kei tua tata

Ka tohe mātou ki te toro atu ki tō papanoho ā te rā me te wā kua tohua e mātou. Mehemea ka huri kia tū te āta tirohanga e marohitia ana ā tētahi rā me tētahi wā kē, ka whakamōhio mātou i a koe ki tētahi tuhinga, ka mutu, ka āhua wawe tonu te whakamōhio atu i a koe.

Mehemea e pā ana ā mātou mahi me oti i runga i tō papanoho ki te tūāhanga wai-ua hou, ā, ki te kore hoki mātou e rongo i a koe i mua i te paunga o ngā rā mahi 10, ki te kore rānei koe e tuku i a mātou kia toro ki tō papanoho, ka whakahaeretia tētahi arotake ā-roto i mua i te tīmatanga o ngā mahi.

Mehemea ka totoa te mahi, i raro i te ture, ka āhei tā mātou whakaeke ki tō papanoho me te kore i mate ki te tonono whakaaetanga, engari ka tukuna ki a koe 'He Pānui mō te Toro ki te Papanoho' kia tae ki a koe i tōna wā poto katoa ka taea. Mehemea ka taea, ka whakamōhio mātou i a koe i mua i te whakaeke.

Me mau ngā kaimahi o Te Kaunihera me te hunga whai-kirimana i ngā kahutumu muramura, ā, me kawē tautohu. E āheī ana tō tono kia whakaaturia taua tautohu e te tangata kei tō papanoho.

Mā mātou koe e whakamōhio ki ngā mahi kua oti

I muri i te toro ki tō papanoho, ka waiho pea e mātou he kāri toro e whakamōhio ana i a koe ki:

- te rā me te wā i reira rā mātou
- ngā mahi i whakaotihia
- mahi kē atu me oti pea, ki ngā āhuatanga hoki ka whai wāhi atu ki aua mahi rā.

Mehemea kāore i taea e mātou te toro atu ki tō papanoho, ka whakamōhio mātou i a koe ki te wā e hoki ai mātou, ka tono rānei mātou i a koe kia waea mai ki te whakarite wā.

Tō papanoho i te wā kua oti ngā mahi

Kia oti ngā mahi, ko tā mātou he:

- waiho i tō papanoho, ki tōna taumata e taea ana, kia rite ki tōna āhua o mua i ngā mahi
- whakatika i ngā āhuatanga kua takakinotia.

Ka oti te wāhi o te papanoho, e mahi rā mātou, te tiro tiro i mua, i muri hoki i te mahi mehemea me pērā mātou. Mā te pēnei e māmā ai te tautuhi i ngā raruraru. Mehemea kāore e taea e mātou te pēnei, ka āheī pea tō whai paremata i raro i te [Public Works Act 1981](#).

He pārongo atu anō

- [The Local Government \(Water Services\) Act 2025](#)
- [The Local Government Act 2002](#)
- [The Local Government Act 1974](#)
- [The Public Works Act 1981](#)